

地 210.15

39

1-16

縣志

卷首

登录号 222035

函 16 册

光緒庚辰重修

嘉定縣志

版藏尊經閣

辛巳正月
開雕

嘉定縣志卷首



天章

康熙五十八年夏

御書齊年堂額

賜翰林院修撰臣王敬銘

乾隆七年三月

御製松花石硯銘

以靜爲用是以永年

賜曰講起居注官右春坊右庶子兼翰林院侍講臣張鵬翀

乾隆九年重九日

御題張鵬翀翠巘高秋圖用其韻作七古示之

嘉定縣志

卷首

一

問我繪事應師誰橫嶺近在帝城西從來師心非所貴師
古道遠勞攀躋鵬翀汝詩脫筌蹄欲俾元白志不低我於
詩畫涉藩籬安能示汝匪手攜得其環中游方外誰謂半
偈非全提佳節展汝山水奇興酣走筆一漫題黃花笑我
拈吟髭蕭蕭寫影臨清溪

乾隆九年冬

御書雙清閣額

賜詹事府詹事兼翰林院侍讀學士臣張鵬翀

乾隆十年三月十日

御製張鵬翀給假回南進詩紀恩因用其韻詩以賜之

煙花遲令節三月仲春如詩句天公賦歸帆風力舒門無

新署鳳家有舊藏書香案需供奉休耽五柳居

乾隆二十年十月

御祭廣西巡撫李錫秦文

維乾隆二十年歲次乙亥十月辛丑朔越十八日戊午

皇帝遣江南蘇州府知府趙酉諭祭已故巡撫廣西等處地方提督軍務兼理糧餉都察院右副都御史軍功加二級又軍功紀錄四次又紀錄十次李錫秦之靈曰嗚呼鞠躬盡瘁臣子之芳蹤賜卹報功國家之盛典爾李錫秦性行純良才能稱職方冀遐齡忽聞溘逝朕用悼焉特頒祭葬以慰幽魂嗚呼寵錫重壚庶沐匪躬之報名垂信史聿昭嘉定縣志

卷首

二

不朽之榮爾其有知尙克歆饗

同治十一年十二月十四日

御書雅韻清才額

賜日講起居注官翰林院侍讀 南書房翰林 臣 徐郁

同治十二年七月二十日

御書嫩晴庭院初來燕新水池塘欲上魚楹聯

賜日講起居注官右春坊右庶子 南書房翰林 臣 徐郁

嘉定舊為吳郡屬邑宋嘉定十年析崑山東五鄉因年以紀名即練祁鎮以為治南襟吳淞北帶婁江遂為江南劉望我朝深仁枕被化浹幽遐孳生

積聚地廣物博其疆域財賦兵防學校之大者建置增析隆於往古而民俗之樸厚人文之闕偉尤甲於他邑蓋其所由來遠矣當湖陸清獻公以理學大儒出宰是邦崇

節儉務休養教以孝弟化
以德禮除稂莠而殖嘉禾
親鸞鳳而遠梟獍自訓農
育材寬賦聽訟與夫冠婚賓
祭飲食服御之細莫不勤懇
曲摯殫極纖微俾其民默

率潛移一歸於純固渾樸而
後已芬華之習盪滌廓如
建縣五百年來未之有也故
嘉定自康雍逮今號稱易治况
國家昌明經學超軼曩代通
儒碩彥接踵而生王光祿錢

少詹兩先生崛起於乾嘉之間人倫師表履蹈粹然博大闕深海內宗仰為一代儒者冠冕後之學者仰承軌躅無不以潛研經義躬行實踐為宗蓋沐浴遺澤

濺漬盛歟雖百世下猶聞而興起況近在二百數十年乎由是而觀則官斯邑而生斯土者宜何如龍名砥名德以求無愧於前賢余自束髮受書慙焉生慕迨出

守毘陵游護撫篆尤習聞夫
正學清德自慙闇愚莫測
厓岸大令程君其珏以翰林
起家繼清獻之後作宰於二
先生之鄉時更兵燹瘡痍未
復而迺因其地之利權其事

之宜徇其俗之嫩以究心於河
渠田賦諸大政疏水利則主
於蓄清捍渾建倉儲則主
於因微積鉅以及學塾之課
耕桑之經靡不脩舉若網在
綱可謂能勤其政矣眠事之

暇惻然於志乘之未輯蓋距
程君國棟脩於乾隆壬戌迄
今百四十餘年矣歲久事湮
典章淪墜前令作而旋輟卒
未成書乃與邑人躬任纂輯
掇拾舊聞佚者補之畧者詳

之斟酌損益燦然稱備益以見
程君之用心視民事如己事不
以難鉅繁重而遂止也斯非則
倣前脩務其所急烏能若是
哉余因是書之成綴述崖畧
而獨殷然於清獻之盛德粹

詣與二先生之流風餘韻亦欲
後之人知所尸祝而觀感也凡
已詳叙例者茲不贅云

護理江蘇巡撫布政使濟陽
譚鈞培序



嘉定本崑山地宋南渡後始析為縣縣
之有專志也實創於元秦輔之明曾魯
都穆龔宏浦南金繼之顧其書久佚惟
萬歷中邑令韓浚所修之志尚存其時
纂輯者張應武唐時升婁堅鄭閑孟李
流芳輩皆邑中之雋當時稱為實錄而

近代錢宮詹大昕獨謂其考證多疏舉
譌繆而一指斥之甚矣纂述之不易
也逮入

國朝一修於康熙初再修於乾隆初然
要皆據韓志為藍本而已嘉慶中續修
未成書中輟蓋至於今一百數十年所

矣。歷歲既遠，加以兵燹遺聞，放失不有。廣續何以昭示來茲？前令汪君福安始議重修，曾君紹傳許君恆身繼修，未就。程君其珏以名翰林來宰是邑，慨然引為己任，書已成，丐序於予。夫志書體例，昉自史家，顧史家以列傳為重，而志書

則以掌故為重，即以吳中而論，若吳地記、圖經、續記之類，大都皆略於人物者也。嘉定瀕海，戶口數萬，稱剝邑。今君之書雖不出韓志範圍，而人物則謹而嚴，留心掌故於水利荒政尤拳，與韓志固同而異也。嗚呼！讀其書可以知其政矣。

蓋方志有褒無貶人物不無溢美纂輯者非其人往、有繁冗之譏矯之者又趨於簡略不知簡略之弊與繁冗正同或慕以為名高誤矣是書也繁簡得中不遺不濫然則君不特知所先務亦且工於文體者矣自來循吏多能文章近時

如武虛谷億憚子居敬汪龍莊輝祖姚右甫瑩皆起家州縣擅著作材而有循良治績君殆其倫也余故諾其請而為之序

光緒六年歲次庚辰季秋江蘇按察使者廣州許應鑠謹序

嘉定縣志序

程大令其珏續修嘉定縣志成舉其畧以來請序大要謂水利倉儲在嘉邑尤爲當務之急而眾咻所萃懼善政之不克竟後之人末由踵其績故一編之中三致意焉余作而歎曰有是哉君之爲政與志非夫徒善徒法者比哉往余嘗爲君序婁縣志矣以爲志也者出治之譜匪直文字而已蓋其治婁也肫然以興養率教爲先而其志婁也於田賦節義學校視舊志爲特詳誠以因地因時其大且要者在是爾今更惓惓於水利倉儲兩大端豈無所見而然耶嘉定前襟吳淞後帶婁江左倚大海河之在境內者支幹縱橫以百數宜若蓄洩之資莫便於此矣然瀕海地窪

嘉定縣志

卷首序

三

易洩難蓄淞婁二江日仄清水力弱不足以刷濁潮所在輒致壅淤故旱潦俱病又沙土疏瘠宜棉不宜稻民食大半糴於旁縣家無宿糧偶值稔歲旁縣不遏糴而嘉民已大困然則水利也倉儲也謂非治嘉之急務乎顧境內之水邑令得而治之若淞婁大幹連跨數郡縣所關利害至鉅非治嘉者所能專也爲嘉計無過於蓄清捍渾自治其境內之小幹大支以達於大幹使尾閭無塞而已矣昔范希文邾直先後治水吳中實始設爲壩閘後乃一切廢壞固由歲祀寢遠亦長吏暨鄉之士夫意多齟齬修護不力故也余嘗見邑有耆宿張明經補庵者當嘉慶季年著水利論一書其規畫疏濬事宜及壩閘之制至爲剴晰今書

倘存不知曾入斯志藝文否又不知其擬建壩閘處所蓄
清捍渾之法與君今所施設大畧相合否要之所見固同
也明經竝欲使嘉民廣種禾無仰食旁縣尤得備荒之原
今不知邑中禾田視明經時多寡奚若然雖產穀之區倉
儲不可闕也周官遺人以鄉里之委積恤糶阨以縣都之
委積待凶荒卽後世常平倉社倉義倉之所權輿法非不
善而所司非人其弊至不可究詰今郡縣積穀實社倉遺
意斂之少則輸之無所苦聚之多則散之無不給寘之里
中則就食者便掌之民間則胥吏無所容奸積微成鉅未
兩綢繆凡爲縣者皆不可緩而於嘉邑爲尤急實與水利
相表裏君旣自行其實政更纂入志乘以詔後來是其愛
嘉定縣志

卷首序

三

民之心之所貫注爲何如余故曰君之爲政與志非徒善
徒法者比也志肇修於汪前令福安輾轉作輟閱今十餘
稔而後成遠宗韓志近本程志體例極爲簡嚴其中自疆
域漕賦人文節行以至土俗民風靡不兢兢攷載足爲出
治者之憲式固不獨水利倉儲兩大端而因地因時則以
爲大且要者尤在乎是蓋猶夫志婁之意也然則讀君之
志者卽以爲君之治譜也可

光緒六年庚辰冬月布政使銜蘇松太兵備道海關監督
貴池劉瑞芬序

嘉定縣志序

歲在壬申癸酉間忝握縣篆兵燹之後舊志無徵偶有存者其書已年遠不修矣先是 大憲奏請開修江南省志抄摺飭知下縣 紹傳 莅任之初適奉檄飭前因竊思縣志實省志所肇端凡天時地理物產民情政績之循良科名之顯達與夫忠臣孝子義夫節婦理學名儒嘉言懿行歷歷詳載誠采風者考鑒之先資不可不急於續纂也亟延眾紳會商得已故國子監助教諸君成琮所著凡例十八條可爲程式爰通稟設局諏吉開修捐廉助用冀速其成無如編遺事軼採訪殊難且所費不貲非僅什伯計未逾歲而 紹傳 奉諱解職深以未能卒事爲憾迨同郡程君序

嘉定縣志

卷首序

古

東以庶常繼膺是宰培學校減漕糧裕倉儲疏河道凡便於民生宜於土俗者或勦或因或損或益罔不次第修舉弊革利興而是書亦於是乎成函牘往還時道及之 紹傳 自維謏陋無意仕進久矣况筆墨一道荒廢不堪何敢佛頭著糞第念是書之成前爲名宿所撰述茲經羣賢纂修體例謹嚴情文樸茂洋洋乎大觀也 紹傳 雖於是書未竟其役然亦常從事於斯今聿觀厥成夙志克慰不禁爲之懽欣慶幸而述其緣起如此云

光緒七年歲次辛巳仲春月前嘉定縣知縣珊城曾紹傳書於維揚寓次

嘉定之為邑於宋嘉定間始邑之
有志於元秦輔之始由明迄今屢經
修輯竊後得前邑宰程君國棟於
乾隆初纂次成書洎今蓋又百有十
年矣而續輯未成大懸典章散漫文
獻無徵是固有司之責也宜黃程君其
珪以庶常改官來莅斯邑慨然于曩
諸令君之一再有志於編集而卒未

嘉定縣志

卷首序

底于成也爰進邑之士大夫詢之以掌故
更周諮博訪以求生賅備暇則復鉤稽
載集遴字有涉于志乘者必躬親
摘錄弗少怠益損奉錢並豫籌鉅費
以供校訂友人之修脯與夫鈔書之口食
以迄成書後剞劂之資閱數年而始脫
稿蓋定本若此之難也工既竣貽書於
余屬弁言于生簡端余自庚午來牧